

石願德 六月石□□□□楊胡 七月何：……

按此紙首書丁丑年，無年號，時代不詳。首稱：『石保衛芬倍社』，不知何義，頗類似社名譯音。又云：『時敬教難』疑為宗教性組織。又稱：『三人作社』、『周而復始』。按係輪流分任社務之規定，每月三人值月，此紙自九月起，至來年七月止，每月正是三人。以下殘缺。

(二四) 至元三年文書殘片 圖版五一、圖54

此殘紙出吐魯番雅爾湖古城。高一厘米，寬九厘米。存四行，起『調牢』訖『獄口』。上下殘斷，用粗麻紙寫。文云：

：調牢獄至元三年三月初六日悉：……：□□府指揮為首施行至當年十一月：……：帛壹拾貳張縫——：十一月 日獄<sub>(典)</sub> 血：——

按此紙殘缺頗甚，由首存調牢獄三字，疑為提控牢獄文書殘紙。據元典章云：『在中統四年准條奏在獄罪囚，須三日一次親於牢內點視。若枉禁、及淹延不決者，隨即檢舉。月終錄其囚數姓名、施行次第、牒送下決官仍報合屬』。卷四十，刑部二。此紙出吐魯番，在元時已屬於畏兀兒王國，但仍奉元朝政令，故其官方文書，仍用漢文格式也。

附古錢幣

(二五) 開元通寶銅錢 圖版五二、圖55

銅質、郭寬、○·二厘米、徑二·四厘米、厚一毫米、重三·四克。出吐魯番哈拉和卓古墳中。同時出土者，尚有波斯銀錢一枚。據本地居民云：『二錢含在死者口中，同時死者身上還覆蓋一張絹畫神像。』（圖版五九、圖61）據舊唐書食貨志云：『武德四年七月、廢五銖錢、行開元通寶錢。徑八分、重二銖四綮』。按開元錢、品類甚多。正面文有左挑、右挑、雙挑者，背面有甲文、及星月文者。此品背面無文，惟正面元字次畫左端微向上，即俗所謂左挑也。